

आकाशवाणी

खबरां पूनम डोगरा कोला

1. भारत ते अमरीका इस हफ्ते दपक्खी बपार समझौते पर चर्चा करडन। शुरुआती चरण लेई सरबन्धत शर्ते उपपर दस्तखत कीते गे न।
2. विदेश मंत्री डाक्टर एस. जयशंकर होरें आखेआ ऐ जे पूर्वोत्तर दा इलाका देसै दी प्रमुख नीतिएं दे केन्द्र च ऐ।
3. भारत नै वक्फ संशोधन कानून उपपर गलत ते बेबुनियाद टिप्पणिएं लेई पाकिस्तान दी सख्त निंदा कीती ऐ। विदेश मंत्रालय नै आखेआ ऐ जे पाकिस्तान गी भारत दे अंदरूनी मामले पर टिप्पणी करने दा कोई हक नैई ऐ।
4. माली ब' रे 2024-25 दे दरान राष्ट्री जलमार्ग पर माल-समेयान दी ढोहाई, 145 इशारिया 5 करोड़ टन दे रिकॉर्ड उच्चे स्तरै तगर पुज्जी गेई ऐ।
5. आई.एस.एस.एफ. निशानेबाजी विश्व कप दे पैहले दिन भारत दी सुरुचि सिंह नै सुन्ने दा तगमा जिसले के मनु भाकर नै चांदी दा तगमा जितेआ ऐ।
6. आईपीएल क्रिकेट च जंदी राती पंजाब किंग्स नै कोलकाता नाईट राईडर्स गी 16एं रन्जें कन्ने हराई दिता।

<><><><><><>

India-US

भारत ते अमरीका इस हफ्ते दपक्खी व्यापार समझौते उपपर चर्चा करंगन। दवेँ मुखेँ कल दपक्खी बपार समझौते दे पैहले हिस्से लेई समझौते दियेँ शर्ते उपपर दस्तखत कीते। नमीं दिल्ली च मीडिया गी जानकारी दिंदे होई बन्ज बपार सचिव सुनील बर्थवाल होरें आखेआ जे दवेँ मुख्य लाहकारी, बहुक्षेत्रीय दपक्खी बपार समझौते दी दिशा च अगली गेँह पुट्टने उपपर सहमत होई गेन जेदा लक्ष्य इस बरे दे अखीर तगर एहदे शा पैहले चरण गी अखीरी रूप देना ऐ। उनेँ आखेआ ऐ जे अमरीका कन्ने भारत दा बपार 2030 तगर बधिये 500 अरब डालर तगर पुज्जने दी मेद ऐ। बन्ज बपार सचिव सुनील बर्थवाल होरें आखेआ जे मौजूदा आयात शुल्क मामले च भारत लेई चैंता ते मौके दवेँ मौजूद न। उनेँ गलाया जे भारत नै बपार उदारीकरण दी राह अपनाई दी ऐ ते ओह अमरीका कन्ने दपक्खी बपार समझौते उपपर कम्म करा'रदा ऐ।

<><><><><>

Jaishankar

विदेश मंत्री डॉ. एस जयशंकर होरें आखेआ ऐ जे गोआंडी पैहले एक्ट ईस्ट ते बिमस्टेक जनेई कई प्रमुख भारतीय नीतियें च पूर्वोत्तर क्षेत्र दी अहम भूमिका ऐ। उनें जोर देइयें आखेआ जे समें दे कन्नै-कन्नै इस क्षेत्र दा होर मता बाददा विकास होग। विदेश मंत्री होर पूर्वोत्तर क्षेत्र विकास मंत्रालय आसेआ आयोजित होने आहले आगामी पूर्वोत्तर निवेशक शिखर सम्मेलन 2025 लेई कल राजदूतें दी बैठक गी संबोधित करा रदे हे। डॉ. जयशंकर होरें विदेशी निवेशकें गी इस क्षेत्र दी विशेषताएं गी समझियै अपनी सरकार ते उद्योग च उसी बढ़ावा देने दा आग्रह कीता। उनें गलाया जे पूर्वोत्तर क्षेत्र दे बन्ने-5 गुआंडी मुख्यें कन्नै जुड़े दे न जेड़े भारतीय उप महाद्वीपें ते आसियान बंशकार इक्क पुलें दा कम्म करा रदे न।

<><><><><>

India

भारत नै संसद आसेआ पाति वक्फ संशोधन अधिनियम उप्पर पाकिस्तान दी बेबुनियाद टिप्पणियें गी सिरे थमां खारिज करी दिता ऐ। विदेश मंत्रालय दे प्रवक्ता रणधीर जायसवाल होरें वक्फ विधेयक उप्पर पाकिस्तान दी टिप्पणियें दे बारे च मीडिया दे सवालें दे परते च गलाया जे पाकिस्तान गी भारत दे अंदरूनी मामलें उप्पर टिप्पणी करने दा कोई हक नेई ऐ। उनें आखेआ जे अल्पसंख्यकें दे अधिकारें दी रक्षा करने दी गल्ल औने उप्पर पाकिस्तान गी दुएं गी सलाह देने दी बजाय अपने खराब रिकार्ड उप्पर गौर करना लोइचदा ऐ।

<><><><><>

PM

प्रधानमंत्री नरेंद्र मोदी होरें कल डेनमार्क दी प्रधानमंत्री मेटे फ्रेडरिकसेन हुंदे कन्नै टेलीफोन पर गल्लबात कीती। दवें नेताएं भारत डेनमार्क हरित रणनीतिक भागीदारी लेई मजबूत समर्थन दी पुष्टि कीती। उनें दवें मुख्यें दे लोकें दे लाह लेई बक्ख-बक्ख क्षेत्रें च सहयोग बधाने उप्पर बी चर्चा कीती। मोदी होरें इक्क सोशल मीडिया पोस्ट च गलाया जे उनें ते सुश्री फ्रेडरिकसेन होरें आपसी हितें दे क्षेत्रीय ते वैश्विक विकास उप्पर चर्चा कीती ऐ।

<><><><><>

Defence

इटली दी 2 दिनें दी जातरा उप्पर गेदे रक्षा सचिव राजेश कुमार सिंह होरें कल दपक्खी रक्षा सहयोग बधाने लेई इटली दे रक्षा मंत्री Guido Croseto हुंदे कन्नै रोम च मलाटी कीती। बैठक दौरान दवें मुख्यें भारत इटली रणनीतिक सांझेदारी दे इक्क प्रमुख हिस्से दे रूप च रक्षा सहयोग गी बढ़ावा देने उप्पर सार्थक चर्चा कीती। रक्षा

सचिव होरें इटली दे रक्षा महासचिव लुइसा रिकार्डो हुंदे कन्नै 11में भारत इटली सलाना दपक्खी संयुक्त रक्षा समिति दी बैठक दी सह अध्यक्षता बी कीती।

<><><><><><>

Waterways Cargo Traffic

देशी दा राष्ट्री जलमार्ग, माली बरे 2024-25 दे दरान 145 इशारिया 5 करोड़ टन दे रिकॉर्ड उच्चे स्तरै तगर पुज्जी गोआ ऐ। बंदरगाहें, जहाजरानी ते जलमार्गे सरबन्धी मंत्रालय नै कल इक बयाना च दस्सेआ जे पिच्छले माली बरे च राष्ट्री जलमार्ग पर कार्गो यातायात च कंपाउंड सलाना बाददे आहली दर 20 इशारिया 8-6 फीसद दर्ज होई ऐ। मंत्रालय नै दस्सेआ ऐ जे माली बरे 2025 च ट्रैफिक सरबन्धी आओजाई पिच्छले माली रे दे मुकाबले च 9 इशारिया 3-4 फीसद दर्ज होई ऐ। राष्ट्री राजमार्गे दे राहें 68 फीसद थमां मती चीजें च कोऽले सने 5 मुख् चीजें दी ढोआई कीती गई ऐ।

<><><><><><>

ED

प्रवर्तन निदेशालय नै दिल्ली दे राउस एवन्यू कोर्ट च कांग्रेस लीडर सोनिया गांधी ते राहुल गांधी हुंदे खिलाफ नेशनल हेराल्ड मामले च रूपे-पैसे दी हेर-फेर दे मददेनजर आरोप पत्र दाखल कीता ऐ। एहदे च कांग्रेस दे विदेश मामले दे प्रमुख सैम पित्रोदा सुमन दुबे ते होर दुए नां बी शामिल न। एहदे मतल्लक अगली सुनवाई औंदी 25 तरीक होग। प्रवर्तन निदेशालय नै हरियाणा च जिमी सौदे कन्नै जुड़े दे रपे पैसे दे हेर/फेर दे सिलसिले च राबर्ड बाड़ा शा पुच्छ-गिच्छ कीती। एह मामला बाड़ा हुंदी कंपनी आसेआ गुरुग्राम च जिमी हुंदी कंपनी आसेआ गुरुग्राम च जिमी दी खरीद कन्नै जुड़े दा ऐ।

<><><><><><>

Delhi CM School Fee Hike

दिल्ली सरकार नै राष्ट्री राजधानी दे सव्भनै स्कूलें गी बड़ी मती फीस वसूलने ते अभिभावकें ते विद्यार्थिणें गी तंग-परेशान करने दिणें शकैतें खलाफ नोटिस जारी कीता ऐ। कल नमीं दिल्ली च मीडिया कन्नै गल्लबात करदे होई दिल्ली दिणें मुख्मंत्रि रेखा गुप्ता होरें गलाया जे कुसै बी स्कूल गी कुसै बी अभिभावक जां बच्चे गी तंग-परेशान करने, उ' नैंगी स्कूल थमां कड़ने दी धमकी देने जां सामान्य फीस बधाने दा हक्क नैई ऐ। उ' नै आखेआ जे राज्य सरकार ऐसी कुसै बी कार्रवाई गी बर्दाश्त नैई करग। दिल्ली दिणें मुख्मंत्रि होरें आखेआ जे स्कूल फीस च कोई बी बाददा मजूदा नियमें ते कन्नै दे तैहत कीता जाना लोड़घदा ते एहदी उल्लंघना करने आहले स्कूल दे खलाफ पक्क गै कार्रवाई कीती जाहग।

<><><><><><>

लीमा च आयोजित आई.एस.एस.एफ. विश्व कप अभियान च पैहले दिन भारत नै शानदार शुरूआत करदे होई निशानेबाजी च सुन्ने, चांदी ते कैह दे तगमे जिते। महिलाएं दी 10 मीटर एयर पिस्टल स्पर्धा च युवा सनसनी सुरुचि सिंह होरें ओलंपिक पदक विजेता मनु भाकर गी 1 इशारिया 3 अंके कन्नै हराइयै सुन्ने दा तगमा जितेआ। 18एं बरें दी सुरुचि नै फाइनल च 243 इशारिया 6 दे शानदार स्कोर दे कन्नै लगातार 2 विश्व कप खिताब अपने नांस कीते। उत्थे गै, मर्दे दे 10 मीटर एयर पिस्टल मुकाबले च सौरभ चौधरी होरें कैह दा तगमा जितियै प्रतियोगिता च मजबूत वापसी कीती। द'ऊं बरें च एह उं'दा पैहला व्यक्तिगत आई.एस.एस.एफ. तगमा ऐ।

<><><><><>

IPL

आई.पी.एल क्रिकेट च जंदी रातीं पंजाब किंग्स नै कोलकाता नाइट राइडर्स गी 16 रणजें कन्नै हराई दिता। चंडीगढ़ दे महाराजा यादवविन्द्र सिंह अंतरराष्ट्रीय क्रिकेट स्टेडियम च पंजाब किंग्स नै 112 रणजें दा लक्ष्य दिता। जवाब च कोलकाता नाइट राइडर्स दी टीम-15 ओवर ते 1 गेंद च छड़े 95 रणज गै बनाई सकी। पंजाब किंग्स लेई युजवेंद्र चहल नै शानदार प्रदर्शन करदे होई 4 विकट लैते। उनेंगी प्लेयर ऑफ दा मैच घोषित कीता गेआ। अज्ज साइडे 7 बजे राजस्थान रायल्स ते दिल्ली कैपिटल्स बश्कार दिल्ली दे अरुण जेटली स्टेडियम च मुकाबला होग।

<><><><><>

Cricket

भारतीय क्रिकेट श्रेयस अय्यर होरें गी चैंपियन्स ट्रॉफी-2025 दौरान शानदार बल्लेबाजी करने लेई आई.सी.सी मेन्स प्लेयर ऑफ दा मंथ चुनेआ गेआ ऐ। अय्यर होरें अखीरी 3 मैचें च 57 इशारिया 3-3 दी औसत कन्नै कुल 172 रणज बनाए। ओह टूर्नामेंट दे दुए सब्बनें शा मते रणज बनाने आहले खडारी रेय न।

<><><><><>

Read: Poonam Dogra

Stand by: Vijay Bajaj

Composed By : Varinder Sharma

Editor : Abhilasha Sharma